



Presidente di Tweede Kamer  
di Staten-Generaal  
POB 20018  
2500 EA DEN HAAG

**Ministerio di Asuntunan  
Interno i Relashon den  
Reino**

DGOBDR  
Demokrasia

Turfmarkt 147  
Den Haag  
POB 20011  
2500 EA Den Haag

**Karakterístika**

2024-0000172577

Fecha 22 di aprel 2024  
Tópiko Karta trayekto di progreso diskulpa pasado di sklabbitut

*'Nos no tin intenshon di hasi daño na niun hende, pero nos ta buskando nos libertat. No ta tur hende na mundu ta desendiente di Adam i Eva?' Mi a kometé un eror pa liberá mi bintidos rumannan for di prizòn, unda nan tabata inhustutamente sintá? Pader, asta un animal ta keda miho tratá ku nos, si e keda heridá, e ta keda cuidá', e héroe di resistensia Tula a bisa un dia. E palabranan ta konmovedor, pero tambe palabranan magnífiko ku ta duna un karakter universal na e palabranan libertat i igualdat.*

Den e lunanan ku ta tras di lomba, tabatin pasonan importante den siguimentu di e diskulpanan pa e pasado di sklabbitut. E karta aki ta pa nos informá bo Tweede Kamer tokante progreso di e trayekto di progreso, manera nos a primintí den e karta di 23 di yüni 2023.<sup>1</sup>

*Guia pa lesadó*

Akibou, promé ta sigui un retrospektiva riba e seshonnan di diálogo ku a tuma lugá na Hulanda Oropeo den e mitar aña ku ta tras di lomba, i e enkuentronan di progreso na Sint Maarten i na Den Haag i nos ta splika e resultatonan, manera e Sekretario di Estado di BZK a primintí (paragraf 1).<sup>2</sup> Despues nos lo informá bo Tweede Kamer tokante e uso proponé di e €33,3 mion ku a hasi disponibel pa intensifikashonnan di maneho na Hulanda Oropeo i e parti Karibense di e Reino (paragraf 2). Meskos nos lo hasi pa e areglo di supsidio pa inisiativanan sosial (paragraf 3). Mas despues, nos ta splika e trayekto di progreso pa Sürnam (paragraf 4). Finalmente, nos ta splika e situashon relashoná ku e Herdenkingscomité (Komité di Konmemorashon) i e Herdenkingsjaar Slavernijverleden (Aña di Konmemorashon Pasado di Sklabbitut) (paragraf 5), e Nationaal Slavernijmuseum (Museo Nashonal di Sklabbitut) (Paragraf 6), i introdukshon di e legislashon tokante trato igual na Boneiru, Sint Eustatius i Saba (paragraf 7).

<sup>1</sup> Dokumentonan di Tweede Kamer I 2022/23, 36284, nr. C

<sup>2</sup> Dokumentonan di Tweede Kamer 2023Z17730.

## 1. Diálogo

### 1.1 Seshonnan di diálogo Hulanda Oropeo

E mitar aña ku ta tras di lomba tabata karakterisá pa diálogo. Na fin di aña 2023, Ministerio di Asuntunan Interno i Relashon den Reino (despues di esaki: BZK) den kolaborashon ku e ofisina di investigashon *TrueTalk*, a organisá seshonnan di diálogo na Hulanda Oropeo. Huntu ku e partisipantenan, nos a diskutí kon e Komité pa Konmemorashon pa e pasado di sklabilitut mester mustra, i kon mester organisá e areglo pa inisiativanan sosial pa Hulanda Oropeo.

Ku 270 desendiente, repartí den 18 dia nos a hiba kòmbersashonnan tokante esaki den henter e pais i online. Ora di selektá partisipante a tene kuenta mas tantu posibel ku repartishon sigun edat, envolvimentu organisatorio i emoshonal i trasfondo kultural, pa garantisá inklushon di tur komunitat di desendiente. E seshonnan di diálogo un biaha mas a demostrá ku konsekuensianan di nos pasado ainda ta visibel i tangibel den presente. Desigualdat ta un tema ku rais profundo ku ta toka hende personalmente. I e ta tokante tur trasfondo, grupo, i kultura.

Nos a inkluí resultadonan di e seshonnan di diálogo den redakshon di e konsepto di areglo di supsidio pa inisiativanan sosial pa Hulanda Oropeo. Por ehèmpel, e areglo aki mester ta fásilmente aksesibel pa organisashon grassroot, pa evitá ku nan ta kaba na trayekto di petishon kompliká. Nos lo inkluí e kompreshon tambe ora ta trata di konmemorashon. Nos lo duna e Komité di Konmemorashon den henter Reino e komprondementunan ku nos a optené komo punto di salida. Nos a kompilá resultadonan di e seshonnan di diálogo den un rapòrt final. E rapòrt ta inkluí komo anekso (mira Anekso 1).

Tweede Kamer a pidi e Minister di BZK dia 28 di novèmber 2022 pa manda un kopia di su kontesta riba e karta di Grupo di Diálogo Boneiru di dia 3 di novèmber 2022 relashoná ku kolonialismo i e pasado di sklabilitut i e elaborashon di e rapòrt 'Ketenen van het verleden (Kadenanan di pasado)'.<sup>3</sup> Esei nos ta hasi di e forma aki (mira Anekso 2). Despues di e diskulpanan pa e pasado di sklabilitut dia 19 di desèmber 2022, BZK a dreña den kòmbersashon ku e Grupo di diálogo Boneiru.

### 1.2 Seshonnan di progreso

Despues di e karta di progreso di 23 di yüni 2023, dos enkuentro di progreso a tuma lugá, un riba 1 i 2 di òktober na Sint Maarten i un riba 31 di yanüari na Den Haag. Representantenan di e diferente komunitatnan envolví tabata presente na e seshonnan aki. Den tur dos reunion a diskutí e puntonan di salida i e kuadronan pa tantu e areglo pa inisiativanan sosial komo pa e Komité di Konmemorashon den henter Reino ku desendentenan i ku otronan envolví. Lo inkluí resultadonan di esaki den e elaborashon mas aleu di e trayekto di siguimentu. E enkuentronan di progreso un biaha mas a suprayá e importansia di un proseso minusioso, ku envolvimentu aktivo di desendiente i otro stakeholdernan den tur fase di e trayekto.

<sup>3</sup> Dokumentonan di Tweede Kamer 35925 VII, nr. 167

## 2. Intensifikashonnan di maneho

Dia 15 di febrüari último, nos a informá bo Tweede Kamer tokante repartishon geográfiko di e rekursionan pa e intensifikashonnan di maneho, i e areglo pa iniciativa sosial.<sup>4</sup> Akibou, promé nos ta splika kua ta e temanan pa e €33,3 mion pa e intensifikashonnan di maneho na Hulanda Oropeo. Despues, nos ta splika e pasonan ku nos ta tuma pa yega na gasta e €33,3 den e parti Karibense di e Reino. Tokante e trayekto di siguimentu pa Sürnam, nos ta splika den paragraf 4.

### 2.1 Intensifikashonnan di maneho pa Hulanda Oropeo

#### *Kambio di nòmber grátis*

Manera nos a anunsiá den e karta di 19 di desèmber 2022, e Ministerio di Hustisia i Siguridat (despues di esaki: JenV) ta trahando riba e areglo temporal kambio di nòmber grátis pa desendiente di hende sklabisá, anticipando un posibel arreglo struktural. E gabinete ta pone €14,9 mion disponibel pa esaki for di e fondo di pasado di sklabitut.

Dia 7 di mart último, Raad van State a saka un konseho tokante e konsepto di e Besluit geslachtsnaamswijziging nazaten van tot slaaf gemaakten en tijdelijke bekostiging (Desishon kambio di fam desendiente di hende sklabisá i finansiamentu temporal).<sup>5</sup> E konseho aki ta pa sostené e linia ku a usa pa hasi e areglo fásilmente aksesibel pa desendiente di hende sklabisá, i e forma kon lo proveé e posibilidatnan pa kambio di nòmber grátis. Nos ta hasi esfuerso pa laga e desishon drenta na vigor riba 1 di yüli 2024.

#### *Maneho antidiskriminatorio*

Gabinete lo hasi esfuerso mas vigoroso pa kombatí diskriminashon i rasismo, manera a indiká den e reakshon di gabinete di 19 di desèmber 2022. Pa sigui oumentá e fasilidat pa haña e AVDnan i visibilidat i aksesibilidat di notifikashon di fasilidat antidiskriminatorio (despues di esaki: ADVnan), Ministerio di BZK na 2024 i 2025 lo desaroyá i usa komunikashon públiko, den konekshon ku e kampaña 'Meld het wél! Discriminatie.nl' (Mèldu esaki sí! Diskriminashon.nl), Gabinete ta hasi €1,7 mion disponibel pa esaki for di e fondo di pasado di sklabitut.

Entrante 1 di yanuari pasá, e ADVnan a bai traha huntu bou di e nomber Discriminatie.nl. Tambe a lansa e punto di notifikashon nashonal nobo ku e website [www.discriminatie.nl](http://www.discriminatie.nl) i e number di telefòn 0800-0880. Pa e kampaña 'Meld het wel! Discriminatie.nl' (Mèldu esaki sí! Diskriminashon.nl), Ministerio di BZK a hasi un supsidio disponibel for di e presupuesto regular, i no a reklamá esaki for di e fondo pa pasado di sklabitut.

<sup>4</sup> Dokumentonan di Tweede Kamer 2023-2024, 36284 nr. 36

<sup>5</sup> <https://www.raadvanstate.nl/adviezen/@141121/w16-23-00392-ii/>.

**Fecha**

22 di aprel 2024

**Karakterístika**

2024-0000172577

Ministerio di Asuntunan Sosial i Empleo (despues di esaki: SZW) lo laga ehekutá un síntesis di konosementu tokante rasismo di kada dia ku ta resultado di e pasado di sklabilitut. Den un síntesis di konosementu, informashon ku ta sali for di investigashonnan eksistente ta keda kombiná ku investigashonnan ku intervencionnan eksistente den praktika. E meta ta pa haña mihó kompreshon tokante kon e impakto di e pasado di sklabilitut ta resultá den eksperensianan di diskriminashon i rasismo den presente. Ademas, e ministerionan di BZK i SZW huntu den aña 2024 lo laga hasi un investigashon eksploratorio tokante kon por laga diferente partido durante mas aña propagá un norma sosial den komunidad, pa prevení diskriminashon i rasismo. E eksplorashon ta dirigí riba un posibel aserkamentu, envolvimentu di partidonan, i presupuesto nesessario. For di e eksplorashon aki mester sali afo kua partidonan lo posiblemente por hasi esaki. E partidonan por ta públiko òf priva, manera gemeente, institushonnan di enseñansa, sindikatonan, organisashonnan di empleado òf dunado di trabou i empresanan. E síntesis di konosementu i investigashon eksploratorio tin komo ophetivo pa trese visibilidat na intervencionnan ku ta kontribuí na prevení diskriminashon i rasismo. Gabinete ta invertí €3,8 mion den esaki for di e fondo di pasado di sklabilitut.

Tambe, Ministerio di SZW lo lanta un Leernetwerk Slavernijverleden (Ret Edukativo Pasado di Sklabilitut) pa munisipio. E ret edukativo lo ofresé guia na munisipionan pa duna kontenido na impakto di e pasado di sklabilitut den nan propio konteksto lokal, i interkambiá konosementu mutuo tokante esaki. Gabinete lo invertí €1,1 mion den esaki for di e fondo di pasado di sklabilitut.

**Patrimonio**

Manera a primintí den e karta di 19 di desèmber 2022, gabinete lo sigui invertí den mantenshon i desaroyo mas aleu di museo, archivo, i den protekshon di patrimonio kultural. Den kolekshonnan eksistente na museo i archivo por haña fuentenan tokante e pasado di sklabilitut. Tambe tin organisashon ku, hasiendo uso di un komunidad di patrimonio, ta utilisá i preservá fuentenan nobo, i ta kompartí e storianan tokante esaki ampliamente i hasi nan diskutibel. Ta importante pa desendientenan tin un papel sentral den trato di esaki. P'esei, ku e medionan ku a hasi disponibel, nos lo sostené instansianan ku ta ofresé un perspectiva diversifiká tokante patrimonio kultural. Tokante e forma i e kontenido, aktualmente tin kòmbersashonnan ta kana. Den e añanan 2024-2034, e Gabinete lo hasi €4,5 mion disponibel pa esaki for di e fondo di pasado di sklabilitut.

**Programa di investigashon di vários aña**

Dia 15 di yùni 2023, a publiká *Staat en Slavernij (Estado i Sklabilitut)*.<sup>6</sup> Pa duna direkshon i inspirashon na investigashon di siguimentu independiente, e Grupo di Guia di Koninklijk Instituut van Taal-Land- en Volkenkunde (KITLV, Instituto Real di Konosementu di Idioma, Pais i Pueblo), Internationaal Instituut voor Sociale Geschiedenis (IISG, Instituto pa Historia Sosial), University of Curacao, i e Nationaal instituut Nederlands slavernijverleden (NiNsee, Instituto Nashonal

---

<sup>6</sup> Dokumentonan di Tweede Kamer II 2022-2023, 36284 nr. 31

**Fecha**

22 di aprel 2024

**Karakterístika**

2024-0000172577

Pasado di Sklabitut hulandes) a presentá un agènda di konosementu riba 12 di aprel último (mira Aneksó 3).

Ku e entrega di e agènda di konosementu aki e Grupo di Guia a keda formalmente disolví. E gabinete ta rekonosé i apresιά e Grupo di Guia su kontribushon na e tema importante aki i e resultadonan impreshonante ku e kontribushon aki a kondusi na dj'e. E agènda di konosementu aki ta forma e base pa e programa di investigashon di mas aña tokante e impakto kompleho di e pasado di sklabitut den presente. Pa duna un promé impulso na e programa di investigashon di mas aña aki, gabinete ta hasi €1,7 mion disponibel for di e fondo di pasado di sklabitut.

Hasiendo uso di e rekursanan aki, gabinete ta pone dilanti ku lo hasi esakinan disponibel di un forma fásilmente aksesibel pa investigadónan den henter e Reino. Di moda ku investigadónan ku no ta konektá na un universidat òf instansia tambe por bini na remarke pa esaki, òf ora ta trata di historia oral.

Awor ku a entregá e agènda di konosementu, lo disolvé e grupo di guia formalmente. Gabinete ta hopi agradesido na e grupo di guia pa nan kontribushon na e fail importante aki, i pa e resultadonan bunita ku esaki a produsí.

Ministerio di Enseñansa, Kultura i Siensia (despues di esaki: OCW) ta inisiadó di un programa di investigashon di mas aña tokante e pasado kolonial di sklabitut hulandes i ta hasi € 1,5 mion disponibel pa esaki for di e presupuesto di OCW. E iniciativa aki ta un programa den e Nationale Wetenschapsagenda (NWA, Programa di Siensia Nashonal) ku e Nederlandse Organisatie voor Wetenschappelijk Onderzoek (NOW, Organisashon Hulandes pa Investigashon Sientífiko) lo ehekutá. NOW ta ko-finansiá e programa, dor di lokual lo realisá un programa di € 3 mion. NWA ta ofresé departementonan i otro gobiernonan e espasio pa ta aktivo ku programanan di investigashon riba tereno di problemátikanan sosial importante.

E idea ta pa, den e programa aki tokante e pasado di sklabitut, buska maneranan nobo di investigashon pa hasi e forman kon e pasado di sklabitut tin impakto riba e sosiedat den temponan aktual, ku no a haña sufisiente atenshon, mas visibel. E búskeda aki pa renobashon pa yega na konosementu nobo lo tuma lugá den konekshon ku sosiedat. E agènda di konosementu di e grupo di guia ta konektá bon ku e oferta aki ku ta akapará tur kos, i por sirbi komo guia pa e investigashon ku mester desaroyá. Den e dunamentu di kontenido di e programa, Ministerio di OCW ta traha huntu ku NWO, Ministerio di BZK, desendientenan, i otronan envolví.

***Sentro di konosementu***

Trabounan ta tumando lugá riba un museo nashonal di sklabitut na Amsterdam. Lo splika mas aleu tokante esaki den paragraf 5. Fuera di e funshon komo museo, e Museo di Sklabitut tambe tin un funshon di konosementu. P'esei, fuera di un museo físiko, tin trabounan tumando lugá riba un ret di konosementu di museo, i lo sigui wak e opshonnan pa aksesio na e museo mas aleu. Na tur, gabinete ta reservá €3 mion pa esaki for di e fondo di pasado di sklabitut.

**Fecha**

22 di aprel 2024

**Karakterístika**

2024-0000172577

Den e siguiente fase di desaroyo di e museo, lo sigui elaborá riba e sentro di konosementu di un forma ku e funshon di e museo pa krea ret di konosementu ta keda fortifiká. Esaki ta enserá ku lo aktivamente inkluí institushonnan internashonal i den henter Reino ku ta enfoká riba e historia internashonal di kolonisashon i sklabilitut.

*Salubridat i bienestar*

Gabinete ke kombatí e impakto negativo di e pasado di sklabilitut riba tereno di salubridat i bienestar. For di un promé inventarisashon bou di e komunidadnan, entre otro e efekto riba salubridat (mental) a bin dilanti. Asina, por papia di un trouma intergenerashonal pa lokual instansia regular no semper por ofresé e asistencia adekuá. Nos ta tuma e señalnan aki na serio. P'esei, Ministerio di Salubridat, Bienestar i Deporte (despues di esaki: VWS) huntu ku partidonan den e dominio di kuido i salubridat i desendiente di hende sklabisá ke desaroyá algun intervenshon konkreto, ku e ophetivo pa kombatí e impakto di sklabilitut riba salubridat i bienestar di desendiente. Gabinete lo invertí €1,7 mion den esaki, for di e fondo di pasado di sklabilitut.

*Enseñansa*

Nos tin atenshon pa e pasado di sklabilitut den e ahuste di kuríkulo ku ta tumando lugá. Den e elaborashon mas aleu di e konsepto di meta prinsipal pa ahuste di kuríkulo, unda relevante, lo inkluí proposishonnan tokante kon pa ankra rasismo, diskriminashon, antisemitismo, pasado kolonial i historia di migrashon den e kuríkulo. Dia 6 di mart último, a presentá e konseptonan revisá di e metanan prinsipal pa siudadania i alfabetisashon digital. E temanan di diskriminashon i rasismo ta bin dilanti den esaki. Na kabamentu di aña 2024, lo entregá e konsepto di metanan prinsipal di e otro áreanan di konosementu, inkluso mens en maatschappij (hende i sosiedat). Eiden entre otro lo deskribí kiko alumnonan mester siña tokante historia.

Ademas, lo desaroyá un banco di fuente, pa sostené enseñansa di fundeshi einan kaminda ta nesesario, ku hibamentu di kòmbersashon amplio den klas tokante e pasado di sklabilitut. Tambe nos ta trahando riba eduka oradornan invitá pa asina fasilidat e kòmbersashonnan tokante e pasado di sklabilitut den klas. Esaki lo ta komparabel ku e manera kon nos ta traha huntu ku e fundashon Na de Oorlog. Dor di e oferta mas grandi di orador invitá, e storianan personal di e oradornan profeshonal invitá ta haña un lugá den enseñansa.

Finalmente, den kolaborashon estrecho ku e práktika di enseñansa, nos ta bai kompilá un manual pasado di sklabilitut pa dosente. E manual ta uni e konosimentu for di investigashon, i ta kontené rekomendashonnan práktiko, inkluso material práktiko manera poster i infográfiko ku dosentenan por kuminsá traha kuné mesora.

Gabinete ta pone €0,80 mion euro disponibel for di e fondo di pasado di sklabilitut pa e medidanan aki.

**Fecha**  
22 di aprel 2024

**Karakterístika**  
2024-0000172577

DEP	Intensifikashonnan maneho Hulanda Oropeo	Montantenan * €1.000
J&V	Kambio di nomber grátis	€ 14.875,00
BZK	Komunikashon públiko antidiskriminatorio	€ 1.700,00
SZW	Mantené norma sosial	€ 3.825,00
SZW	Ret edukativo pa 20 munisipio	€ 1.105,00
OCW	Patrimonio	€ 4.530,00
BZK	Programa di investigashon di mas aña	€ 1.700,00
OCW	Sentro di konosementu	€ 3.000,00
VWS	Salubridat i bienestar	€ 1.700,00
OCW	Enseñansa	€ 800,00
Total		€ 33.235,00

Tabèl 1. Intensifikashonnan di maneho Hulanda Oropeo

## 2.2 Intensifikashonnan di maneho pa e parti Karibense di e Reino

Huntu ku desendientenan i otro personanan konserní for di Karibe, nos ta pone pasonan dirigí pa yega na gasta e €33,3 mion riba intensifikashonnan di maneho pa e parti Karibense di e Reino. Akibou, promé nos ta splika kon nos ta bai traha huntu den e periodo benidero. Despues, nos ta splika tokante e aserkamentu pa e intensifikashonnan di maneho, e agèndanan di rekuperashon.

### *Organisashon trayekto di siguimentu parti Karibense di e Reino*

Na kuminsamentu di e aña aki, Sekretario di Estado di BZK a informá gobièrnunan i Kolegionan Ehekutivo di Aruba, Boneiru, Kòrsou, Saba, Sint Eustatius i Sint Maarten tokante dunamentu di kontenido mas aleu di e dos biaha €33,3 mion pa e intensifikashonnan di maneho i e areglo di supsidio. A pidi e gobièrnunan i Kolegionan Ehekutivo pa bini ku tres representante pa sigui hiba diskushonnan ku BZK tokante forma i kontenido di e areglo di supsidio pa inisiativa sosial i e balansa entre nan pa e intensifikashonnan di maneho. Esakinan ta e presidente i sekretario di e plataforma lokal òf e komité ku ta lantando, i e representante ofisial pa e fail di pasado di sklabitut. Ademas, BZK lo bai den kòmbersashon ku e represantenan aki tokante e agèndanan di rekuperashon ku mester redaktá, i e representashon karibense den e Komité di Konmemorashon.

### *Intensifikashonnan di maneho*

Tokante e €33,3 mion pa e medidanan pa konsientisashon, envolvimentu i impakto, lo inkluí e promesanan hasí di 19 di desèmber 2022 den asina yamá agèndanan di rekuperashon. Por mira esakinan komo un programa ku ta akapará tur kos, den lokual a inkluí e diferente proyektonan deseá (c.q. intensifikashonnan di maneho deseá), e responsabilisashon di gastu aspirá, i e linia di tempu.

Na kada isla/ pais tin òf ta lantando un komité òf plataforma aktivo ku ta involví su mes ku loke ta sigui e diskulpanan. E plataformanan i komiténan aki ta konsistí

**Fecha**  
22 di aprel 2024

**Karakterístika**  
2024-0000172577

di representante di gobièrnunan lokal, organisashon sosial, i desendiente. Hopi biaha nan ta òf tabata trahando kaba riba oumento di konsientisashon.

E punto di salida ta ku e plataformanan lokal òf komiténan aki, huntu ku e gobièrnunan lokal i e poblashon, lo sigui duna forma na e agèndanan di rekuperashon, di moda ku esakinan tin un sosten amplio. Pa fasilitá redakshon di e agèndanan aki, un komité òf plataforma pa kada isla lo risibí un supsidio di un biaha so di €25.000. E meta di esaki ta pa krea espasio (finansiero) di e manera aki pa, komo organisashon, sigui traha riba e tópiko aki, pa por kontratá ekspertisio eksterno, pero tambe por ehèmpel pa por organisá *community engagement (partisipashon di komunidad)*. Ku e partinan karibense lo diskutí di ki manera e Ministerio di BZK lo por fasilitá mas aleu den e realisashon.

### **3. Areglo di supsidio pa inisiativanan sosial**

Manera nos a informá bo Tweede Kamer pa medio di e karta di 15 di febrüari pasá, pa Hulanda Oropeo, pa e parti Karibense di e Reino i pa Sürnam kada un tin €33,3 mion disponibel pa e areglo di supsidio pa inisiativanan sosial.<sup>7</sup> A base di e seshonnan di diálogo di e hèrfst ku ta tras di lomba, a redaktá dos areglo di supsidio na midí pa Hulanda Oropeo i e parti Karibense di e Reino. E puntonan di salida di e areglonan ta meskos. E rekursionan mester ta fásilmente aksesibel pa e reseptornan aspirá, ku garantia di efikasía i legitimidat di uso di e rekursionan.

Di 16 di febrüari te 16 di mart, e areglo pa inisiativa sosial tabata den konsulta via internet na Hulanda Oropeo, i e areglo karibense for di 1 di mart te 1 di aprel. Lo inkluí resultadonan di e konsulta via internet i input di e enkuentro di progreso di 31 di yanüari pasá den e elaborashon mas aleu, pa yega na un areglo definitivo. Lo publiká un informe di e resultadonan di e konsulta via internet riba e website di e konsulta i lo inkluí esaki tambe den splikashon di e areglonan. Ta trata na publika ambos areglo riba 1 di yüli 2024 sigui pa e posibilidat pa entregá petishonnan, mas tarda, den fin di e aña aki.

### **4. Sürnam**

E punto di salida na Sürnam ta meskos ku na Hulanda Oropeo i e parti karibense di e Reino, ku lo duna contenido na siguimentu di e diskulpanan den konsulta ku desendiente i ku otronan involví. Akibou lo splika e pasonan ku a tuma pa esei for di 1 di yüli 2023.

E Minister di Asuntunan Eksterior dia 1 di yüli 2023 a partisipá den selebrashon di Ketí Koti na Paramaribo, i na nòmber di gobièrnu hulandes riba suela surinameño a pidi diskulpa pa e pasado di sklabilitut hulandes. Huntu ku e palabranan ku Su Mahestat e Rei a pronunsiá dia 1 di yüli 2023, na Sürnam esaki por a konta ku aprobashon. Nan ta konsiderá komo un paso importante riba e kaminda pa sanashon i rekonsiliashon.

---

<sup>7</sup> Dokumentonan di Kamer 2023-2024, 36284 nr. 36.



E Enviado Spesial Pasado di Sklabitut nombrá dor di Ministerio di Asuntunan di Eksterior a kontinuá su trabou na Sürnam den kolaborashon ku embahada hulandes na Paramaribo. Te ku awor, e Enviado Spesial a biaha seis biaha bai Sürnam, i el a hiba kòmbersashonnan ku e koordinadó pasado di sklabitut nombrá dor di gobièrnu di Sürnam, eks minister Silvano Tjong-Ahin. Ademas e ta papia ku un kandidat grandi di desendiente i otronan involví, inkluso ku representante di e komunitatnan indígeno i komunitatnan di Marron na Sürnam. Pa durashon di e Aña di Konmemorashon, a ekstendé su mandato.

A base di e resultadonan di e diálogo amplio aki, Sürnam ta proponé su mes pa establese un plataforma den lokual algun di e representantenan for di e gruponan di mas involví lo tuma asiento. Presidente di Sürnam lo instalá e plataforma aki. E plataforma aki lo hasié posibel pa Sürnam i Hulanda hiba un dialogo dirigí tokante asignashon di e medionan disponibel (e €33,3 mion pa inisiativanan sosial i €33,3 mion pa intensifikashonnan di maneho).

## **5 Konmemorashon**

Konmemorashon ta bibu, i e ta importante. E seshonnan di diálogo den e hèrfst ku a pasa un biaha mas a demostrá esei. For di e kòmbersashonnan ku desendiente i otronan involví, no solamente e balor di konmemorashon pa rekonosimentu i konekshon a bini dilanti, sino tambe atenshon pa maneranan diferente di konmemorá. Akibou lo splika e manera ku e gabinete ta duna siguimentu na resultadonan di e seshonnan di diálogo relashoná ku e Komité di Konmemorashon, i progreso di e Aña di Konmemorashon.

### **5.1 Komité di konmemorashon**

Un konklushon importante for di e seshonnan di diálogo ta ku no tin un solo manera pa konmemorá. Esei ta tradusí su mes den diferente nesidad. Di un banda tin nesidad di e posibilidat pa duna forma na e konmemorashon for di kada ken su propio historia i kultura. Di otro banda, mester di un konmemorashon den lokual tur hende por rekonosé nan mes.

Den e periodo benidero, e Gabinete lo kontinuá e diálogo ku NiNsee i otro organisashonnan involví ku konmemorashon den e Reino i na Sürnam, pa yega na un Komité di Konmemorashon pa henter Reino. E punto di salida pa e komité ta representashon igual di e diferente komunitatnan ku un trasfondo transatlántiko na Hulanda Oropeo, na e parti karibense di e Reino, i na Sürnam. Ta trata na por presentá e tarea di e Komité i e presidente di e Komité riba 1 di yüli 2024. E Komité lo ta, mas tarda, operashonal den fin di e aña aki.

### **5.2 Aña di Konmemorashon Pasado di Sklabitut**

E Aña di konmemorashon pasado di sklabitut ta kaba dia 1 di yüli 2024 pero, manera e karta aki ta demostrá: konmemorashon no tin fin, i no tin fin tampoko na e atenshon pa e pasado di sklabitut. Nos por mira ku e Aña di Konmemorashon

**Fecha**  
22 di aprel 2024

**Karakterístika**  
2024-0000172577

a kousa un movementu, ku atenshon i rekonosimentu amplio pa i diálogonan i ampliashon di konosementu tokante e pasado di sklabilitut. I awor ku e movementu ei t'ei, huntu nos ta traha riba un diálogo struktural tokante nos historia kompartí i riba konosementu i konsientisashon den komunidad, riba konmemorashon konhunto, i riba kombatimentu di e impakto di e pasado di sklabilitut. Relashoná ku nos karta anterior na bo Tweede Kamer, gustosamente nos ke kompartí algun adelanto den ehekushon di e Aña di Konmemorashon ku bo.

Manera a kompartí promé ku bo Tweede Kamer, den kuadro di e Aña di Konmemorashon a lanta dos areglo di supsidio serka e Fondo pa Partisipashon Kultural (Fonds voor Cultuurparticipatie) i e Mondriaan Fonds. E areglonan na tur ta suma €7,2 mion: €6 mion for di Reino, i €1,2 mion for di e Fondo pa Partisipashon Kultural mes. A sera e areglo di e Mondriaan Fonds kaba, pero e areglo di e Fondo pa Partisipashon Kultural ta habrí ainda, ku mas o ménos € 1,6 mion na presupuesto ku a keda. Na tur, entretantu a sostené 200 proyekto na Hulanda Oropeo i e parti karibense di e Reino. Den e proyektonan ku a sostené tabatin proyekto di arte plástiko, patrimonio, arte di presentashon i literatura, pero tambe podcast, diálogo, seshonnan di *safe space*, workshop, konmemorashonnan i selebrashonnan. Den anekso 4 ta encontra un resúmen di e inisiativanan aki di Mondriaan Fonds y Fondo pa Partisipashon Kultural.

Fuera di esei, e Fondo pa Partisipashon Kultural a nombra eksploradónan pa sostené inisiador ku entrega di petishonnan pa proyekto den tur dos parti di e Reino. Asina nos ta sòru ku tur hende ta kapas pa hasi petishon pa fondo, tambe inisiador ku no tin of ku tin ménos konosementu di esaki. Tambe nos ta prevení ku sierto grupo ta bini ménos na remarke pa sosten for di e areglonan di e Aña di Konmemorashon.

Den kuadro di e Aña di Konmemorashon, OCW ta fasilitá kooperashon internashonal di konosementu riba e tereno di pasado di sklabilitut. OCW ta pone rekursionan disponibel di kual diferente pais por hasi uzo di nan pa asina haci investigashon riba e tereno di pasado di sklabilitut. Pa kooperashon ku Aruba, Kòrsou i Sint Maarten a pone €375.000 disponibel te ku aña 2027. Tambe tin presupuesto disponibel pa Boneiro, Saba i Sint Eustatius i nos ta buskando huntu cu Sürnam, Sur-Afrika i Indonesia un forma kon pa implementá un leerstoel pa fasilitá investigashon den e regionnan aki. Aktualmente ta trahando riba e desaroyo di e kooperashon aki.

Na novèmber a lansa e kampaña online 'Geschiedenis, van ons allemaal' (Historia di nos tur). Sentral den e kampaña aki ta storianan personal di hende tokante e pasado di sklabilitut i e impakto di esaki den presente. Riba [www.OCW-verhalen.nl](http://www.OCW-verhalen.nl) i e kanalnan di medio sosial di e ministerio i di e partisipantenan ta kompartí e storianan.

NiNsee ta enkargá ku finalisashon di e Aña di Konmemorashon Pasado di Sklabilitut. NiNsee mes lo organisá e Nationale Herdenking Slavernijverleden (Konmemorashon Nashonal Pasado di Sklabilitut) i e Festival Ketu Koti na Amsterdam. Organisashonnan na e islanan lo organisá e konmemorashonnan,

**Fecha**  
22 di aprel 2024

**Karakterístika**  
2024-0000172577

selebrashonnan i enkuentronan na Aruba, Boneiru, Kòrsou, Saba, Sint Eustatius i Sint Maarten ku un kontribushon di NiNsee, si nan ta deseá esei.

## **6. Museo Nashonal di Sklabitut**

Trabounan ta tumando lugá riba un museo nashonal di sklabbitut na Amsterdam, riba inisiativa di habitantenan di Amsterdam i e Munisipio Amsterdam. Reino ta envolví ku esaki for di 2019, i ta apoyá su realisashon. Desaroyo di e museo di sklabbitut ta hasi e perspektiva na lokual no a duna sufisiente atenshon parti di e konosementu kolektivo tokante e pasado di sklabbitut; i ku esei, parti di nos memoria kolektivo, tambe.

Dia 15 di febrüari último, tres kwartiermaker (manager prekursor) a presentá e plan di negoshi di museo pa e Nationaal Slavernijmuseum (Museo di Sklabitut Nashonal), den presensia di desendientenan envolví i stakeholdernan. E proposishon aki ta añadí komo anekso (mira Aneko 5).<sup>8</sup> Na base di e plan aki tin un trayekto di partisipashon ekstense. E kwartiermakers (managernan prekursor) a tene enkuentronan den i pafó di henter e Reino. Nan a kuminsá na Sint Maarten, Sint Eustatius, Saba, Aruba, Boneiru, Kòrsou, i Sürnam. Nan a papia ku mas ku 5.000 hende, di Zeeland te Groningen i di Amsterdam te Maastricht. Tambe, nan a buska informashon i inspirashon na Merka i Benin. Riba 2 di aprel, e Raad voor Cultuur (Konseho pa Kultura) i e Amsterdamse Kunstraad (Konseho di Arte di Amsterdam) a presenta nan konseho konhunto tokante e plan.<sup>9</sup>

For di e rekursionan pa kultura di e akuerdo di koalishon, OCW a reservá 29 mion riba e presupuesto di OCW pa esaki. E kolegio di B&W (alkalde i miembro di konseho munisipal) di Munisipio Amsterdam tambe a reservá 29 mion. Promé ku zomer, toma di desishon lo tuma lugá den e konseho munisipal di Amsterdam tokante e siguiente paso den desaroyo di e museo. Tokante e desaroyo mas aleu di e museo, e munisipio Amsterdam i OCW ta den kòmbersashon. Minister di OCW lo informá bo Tweede Kamer tokante esaki promé ku zomer.

### **6.1 Ret di patrimonio karibense**

Ku e diskulpanan pa e pasado di sklabbitut, e gabinete a primintí Aruba, Boneiru, Kòrsou, Saba, Sint Eustatius i Sint Maarten 'un museo di sklabbitut ku impakto lokal'. Tambe, e moshonnan di e miembronan Klaver (GroenLinks-PvdA) i Leijten (SP) a hasi un yamada pa, den sinkronisashon ku partidonan lokal, fortalés e museonan karibense, i pa ta envolví ku preservashon i maneho di patrimonio di e

---

<sup>8</sup> Pa henter e informe inkluso e aneksonan, mira:

<https://www.amsterdam.nl/diversiteit/nationaal-slavernijmuseum/vertel-hele-verhaal/>. Na base di e plan *Vertel het hele verhaal* (Konta e storia kompleto) tin un eksplorashon i partisipashon ekstense: <https://www.amsterdam.nl/diversiteit/nationaal-slavernijmuseum/vertel-hele-verhaal/>.

<sup>9</sup> <https://www.raadvoorcultuur.nl/actueel/nieuws/2024/04/02/advies-nationaal-slavernijmuseum>.

**Fecha**

22 di aprel 2024

**Karakterístika**

2024-0000172577

pasado di sklabilitu.<sup>10</sup> For di e kòmbersashonnan ku BZK i OCW a hiba tokante esaki ku partidonan den e parti karibense di e Reino den e aña ku ta tras di lomba, e nesidat pa un fortalecimento duradero di e infrastruktura kultural ta bin dilanti. E instansianan lokal di patrimonio i e profeshonalnan di kultura no ke un sukursal di e museo nashonal di sklabilitu, sino apoyo pa preservá, manehá i presentá e patrimonio, nan mes. Ademas, nan ta enfatisá importansia di kolaborashon entre e islanan/ paisnan mes, i di ta parti di retnan di konosementu den e region karibense i e Reino.

P'esei, e Ministerio di OCW, huntu ku partidonan involví na e islanan, ta traha riba un proposishon pa kolaborashon interinsular riba tereno di patrimonio. Komo un promé paso, algun profeshonal di patrimonio entre 29 di febrüari te 2 di mart a organisá seshonnan di trabou, fasilidat dor di OCW. Nos ta señalá e nesidat pa sigui traha den un konteksto mas amplio riba proposishonnan interinsular riba tereno di por ehèmpel museo, archivo, arkeologia, i patrimonio inmaterial. E islanan por inkluí e inisiativanan ku resultá for di esaki den e agènda(nan) (di rekuperashon), i por finansiá nan for di e €33,3 mion pa intensifikashon di maneho pa e parti karibense di e Reino.

## **7. Introdukshon di e legislashon pa trato igual na Boneiru, Sint Eustatius i Saba**

Te awe, e legislashon pa trato igual no ta di aplikashon riba e parti karibense di Hulanda. Den e karta di 23 di yanüari 2023 na bo Tweede Kamer, e Minister di BZK a primintí ku e lo inisiá e trayekto di legislashon pa deklará e legislashon tokante trato igual aplikabel pa e parti Karibense di Hulanda.<sup>11</sup> Ku e proposishon pa e Wet bescherming tegen discriminatie (Lei protekshon kontra diskriminashon) na BES, e leinan tokante trato igual integralmente ta bira aplikabel pa Boneiru, Sint Eustatius i Saba (e islanan BES). Den e proposishon tambe a inkluí ku lo lanta un fasilidat antidiskriminatorio pa notifikashon grátis tokante keho i asistensia i konseho den kasonan di diskriminashon na e islanan. Ademas, e Kolegio pa derecho humano ta haña un tarea di huisio na e tres islanan. Riba 13 di mart e departamento di konseho di Raad van State a disidí riba un konseho pa e proposishon di lei i esaki a keda publiká riba 18 di mart ultimo.<sup>12</sup> Durante e tratamentu, sperá den parlamento di e proposishon di lei, ku lo tuma lugá na 2024, lo sigui traha riba e preparashonnan práktiko pa e lokèt i e Kolegio.

### **Finalmente**

Den e temporada ku ta tras di lomba, nos a tuma pasonan importante i a logra resultadonan konkreto. Na mes momentu, nos ta konstatá ku ainda tin un kaminda largu nos dilanti. E proseso pa yega na konsientisashon, sanashon i prosesamentu den tur e partinan di e Reino i di Sürnam ta pidi un esfuerso permanente di e Gabinete. Den e periodo benidero, huntu ku desendentenan i otronan involví, nos lo duna forma na e pasonan di siguimentu aki.

<sup>10</sup> Dokumentonan di Tweede Kamer 2022–2023, 36 284, nr. 13. Dokumentonan di Tweede Kamer 2022–2023, 36 284, nr. 20.

<sup>11</sup> Dokumentonan di Tweede Kamer II 2022/23, 36 200 IV, J.

<sup>12</sup> <https://www.raadvanstate.nl/adviezen/@140443/w04-23-00344/>.

**Fecha**

22 di aprel 2024

**Karakterístika**

2024-0000172577

Sekretario di Estado di Relashon den Reino i Digitalisashon,

Alexandra C. van Huffelen

Minister di Asuntunan Interno i Relashon den Reino,

Hugo de Jonge

Minister di Asuntunan di Eksterior,

Hanke Bruins Slot

Minister di Enseñansa, Kultura i Siensia,

Robbert Dijkgraaf

Minister di Asuntunan Sosial i Empleo,

C.E.G. van Gennip

**Fecha**

22 di aprel 2024

**Karakterístika**

2024-0000172577

Minister pa Protekshon Hurídiko,

F.M. Weerwind

Sekretario di Estado di Salubridat Públiko, Bienestar i Deporte,

Maarten van Ooijen

Sekretario di Estado di Enseñansa, Kultura i Siensia,

Fleur Gräper-van Koolwijk